

孫湖山房詩草  
附王最詩七首

溫州府

公館

孫湖山房詩草

共 1 册 存 1 册 排架号 08632

因

讀漢書雜詠

王書升 旭江

功成烹狗莫須猜 俎上羹猶分一杯  
眼見韓彭趙醢後 歌聲嗚咽大風來  
華國文章體自腴 賢良三策漢醇儒  
草元經亦標千古 爭奈人呼莽大夫  
集靈宮殿暢遊巡 承露秋高月色新  
不死藥求蓬島外 龍沙白骨幾曾春  
豚犬奔馳何足論 天潢荆益衍真源  
三炎火井無餘燭 星落秋風五丈原

護法寺懷林仁藥寄章茂才若渠

鑑水披薰風 蘭蓀逗清馥 晴翠矗嶙峋  
延覽暢心目 龍頭昂欲飛 象笏苔痕駁  
泉聲聽清泠 虎跑奔珠瀑 緬懷古遺民  
潛棲足清福 蜃海幾滄桑 片石飯梵竺  
貝葉鬱旃香 高僧躡芳躅 憶昔舞象年

抱經此研讀驚感落檐瓦黃昏飛蝙蝠鳴鴉風雨膜夜靜一燈綠  
紺宇今翬芭山光亦如沐白雲何英英吞吐在巖谷中有素心人  
嘯歌振林木

宿應化寺

落日依林梢煩烟裊村井飄飄風吹衣同憇招提靜香積半塵封  
僧似溪雲冷鐘磬闐無聲松杉留翠影託鉢何依依懷人時耿耿  
深夜未成眠明月駐塔頂

同周洛川大來上人由鳳巢至靈溪

鳳凰已去空山青西方美人思榛苓滄桑變易歷霜星豈堯磅礪  
猶鍾靈有客秘通青鳥經翠微蠟屐搜碑銘坵壠壘嶺嶙峋綠

莎黃土同埃塵白楊風來敬我巾隔林啼鳥催行人同游支公語  
前因飛絮入水化為萍富貴浮雲夢未醒君不見晋代名流郭景  
純生前尚不保其身又何有赤文蒼角歌振振升墟憑弔日已暝  
林巒蒼紫啣紅輪扁舟直不垂楊津青帘影映梨花春綺羅香裏  
鬢掀銀空空色色直非真長鯨吸川杯莫停

宿柵溪山房別後寄滕冠玉四十二韻

巖栖佳趣足高卧覺天寬一室甘恬淡數椽稱美完烟霞供嘯嗽  
兒女喜團圓此志聽流水其人樂考槃丰神清是鶴妙詩靜聞檀  
並列鍾王品同升李杜壇珊珊鳴叱撥仙枕醒邯鄲壯志期調鼎  
分陰惜是丸鷲鷄雄祖逝橫槩愛曹瞞德覽輝苞彩蒼文露角端

驪黃起上四朱屈作衙官韻逸居環竹詞芬氣吐蘭淵淵舒蜀錦  
豐豐采紉紉策裊琴哉古星搖劍影寒樽前酣蝶舞戶外疊峰攢  
白日擎杯駐青山倚榻看輕鷗眠淺渚赤鯉躍晴灘蟋蟀喧莎砌  
梧桐落井欄愛君顏似玉笑我鬢如潘破浪驚投筆垂雲杏控鷹  
揮毫癡顧凱彈鋏老馮謹慷慨探心與綢繆握手歡得沾新雨潤  
可作異書觀茗戰松濤沸譚傾舌本瀾知音歌窈窕抵掌拍闌干  
市駿還空冀登龍已識韓功名成畫餅勳業幻槐安底事憐垂臂  
何須食馬肝因緣魔亦道萍梗性猶濇話著三生石元超百尺竿  
塵襟澄寶鑑凡骨換金丹賦別風携袖歸來月滿鞍多情常繫累  
好夢再尋難剪燭催敲鉢飛鴻策漸磐狂歌花落後幽興鳥啼殘

雪爪依依記苔痕隱隱刊汀葭瞻暖露籬菊憶盤桓陟巘嗟修阻  
橫波恨渺漫打牕楓葉響隔浦雁聲酸題壁詩猶在書裙墨未乾  
倦懷疑中酒努力勸加餐極目鵬程遠秋風九萬搏

卧樹歌

積穀劉仙跡洞口尋飛霞崖樹不隨雞犬去高卧山中閱歲華蒼  
鬱不知何代物得天獨厚根蟠屈橫空天矯卧如龍碧陰一桁神  
飄歛白雲為幕石為床心不聞雷睡自長柳眠鶴夢紅塵影幾回  
轉瞬驚滄桑我發狂歌劔斫地撫樹流連凝思雨黑丹楓化老  
人錦衣或署將軍字或授大夫封或是軒皇燧或蠹化虬枝或挺  
擊雲臂或偃蓋而團十畝之陰或干霄而得干尋之勢一朝運作

棟梁材無復濃陰覆綠苔  
視此偃蹇山之隈儼同夫子  
檜武侯柏  
晉公槐乾坤齊壽哉者培扶  
輿磅礴一氣迴雷封雨溜無  
纖埃東  
甌巖谷直蓬萊

題吳曉村春潮湧日圖并祝四句初度

白鷺飛翔金烏騰若木祥雲捧日升  
小號旭江原以此樓觀滄海  
記吾曾曉村司馬壯仕年板輿奉  
母春暉妍綵衣拂地霞光爛小  
住蓬萊五色天高掀一萬五千里  
禹門躍作桃花水鯨翻鼉吼湧  
紅球奕奕精光射眸子朝陽鳳翽  
梧桐樹謝客芙蓉綉晨露何如  
放眼海天寬晶熒器宇汪洋度筠  
崖拂絹寫成圖筆底春風繪太  
初日之升兮川方熾天保之中頌  
九如

雜感

不死豈不美秦皇求神仙仙人亦尸解  
造化為推遷何獨蚩氓  
草木同腐焉萬古歷浩劫天地疑無  
權誰立蒼蒼表閱十二萬年  
訪余湘帆不遇

風吹碧桃落空山聞啼鳥偶隨流水  
去已過石橋西茆屋藏修竹  
柴門隔小溪嵐光斜照裡回首白雲  
迷

戊寅冬至夜偶作

歸元驚物候子半又生陽心已葭  
灰冷情隨繡線長孤燈人寂寞  
殘月夜蒼涼窻外梅花影依稀認  
素粧

題吳小洲乘風破浪小照

男兒志在四方生懸孤埋頭牖下何為乎君不見古來磕睡漢龍  
蟠躄屈窮泥塗書生自有旋天手腰間金印大如斗封侯萬里勒  
燕然叱撥朝嘶劍夜吼我思李將軍南山射虎馳風雲我聞狄武  
襄宴奪崑崙夜未央我愛乘槎之張騫尋源直犯牛斗躔翩翩少  
洲吳季子九苞鳳采才華美胸涵秋水度汪洋風翻大海瀾迴紫  
何物畫工繪為圖帆檣飽風聲鳴轔轔掣鵬搏九里扶搖浩淼凌  
蒼虛宗生當年作此語薄視臆虫事疆圍豈真一艦破長風中流  
橫梁軒之舉君為舟楫濟巨川圖上凌烟想或然春雷未動驪龍  
卧手弄明珠試九淵斬蛟伐鼉神技奏雄飛誰謂書生瘦潘江陸  
海湧波瀾光熾寒逼文昌宿雪山萬丈禹門開眼底黃龍變化來

浪暖桃花歌一曲順流而東冷然善也亦悠哉



爾亦多情者年年秋日歸一襟捐杏雨雙剪落春暉乃睇新華屋  
還過舊板扉繁華消歇後猶向故園飛



喜接染兒書綏城家報  
河挂火西流澄懷憶遠遊峯高遲上月樹老易知秋赤足攜雙鯉  
青燈話一樓不知南去雁何日下滄洲



寄懷蔡留航兼呈陳茂材筠崖  
梅雨濛庭階長日睡正濃驚聞有客至采啜呵芙蓉長揖問却  
言家福昂桐漳南分北系留航字曰封平生未識面詩卷溯春容

此日欣邂逅古貌瞻喬松清輝照遠道舌本翻談鋒嗟我似仲宣  
 羈樓夏口東飢寓乞米帖幡然成老翁走謁少有園兼語筠崖  
 顧癡稱三絕秦漢隸吏工之子竟何往美人遲不逢好鳥鳴高枝  
 悠然來香風君似蔡君謨譜衍荔枝紅伴雲居茗草長嘯三山峯  
 何日携麻姑太姥訪仙蹤擲米成丹砂劈脯唵廬中  
 鹽田待渡  
 已歷山行險波流又不同帆飛雲影亂潮落海天空渡口明斜日  
 鄉心逐遠風仙槎星漢近迢遞指賓鴻  
 洪山橋至水口  
 深溪盪楫淺撐篙急瀨驚湍水怒號青子荔叢奴兩岸舟穿濃翠

過山坳

南劍津河交舡上作

引  
松  
影  
中

穿

四圍島嶼咽溪聲險涉龍津怯水程纜繫山腰齊鶴步舟從石腹  
 傲蛇行夢回枕上橫嵐翠帆落灘頭卧月明兩鬢欲霜仍作客秋  
 風迢遞渡延平  
 錦傍

洪山橋

百畝湖塘半是蓮蓮花人面兩相妍捲簾擁坐迎秋爽歌聽明珠

一串圓

長橋跨海鎮洪流小艇參差泊淺洲藕色羅衫人似玉晚涼時

坐船頭

宿弋口寶興僧樓

大海萍踪一葉浮  
閩南鴻跡紀勾留  
偶携謝客登山屐  
閒上生公說法樓  
樹色擁窻雲住宿  
溪聲聒耳水環流  
暮鐘微動蒼烟合  
指

點猫峯夕照收弋口猫兜峯

榕城七夕

涼階微怯葛衣輕  
禁鼓敲殘月二更  
午夜星從銀漢渡  
秋風人在綠榕城  
山行水涉渾閒事  
天上人間共此情  
佳夕偏教增旅况  
幾多私語倍分明

秋風有客倚闌干  
河挂城西夜未殘  
漫說星妃多得意  
祇憐月姊不勝寒  
鬢棚乞巧癡何似  
耕織償逋事亦難  
遙憶乘槎霄漢近  
幾

回翹首碧雲端

暮春送朱墨卿蘇若畹歸里

琴署春歸賦落花  
鷓鴣聲裡正思家  
親朋欲別渾如夢  
山水無緣每自嗟  
曲度青廉聞折柳  
風薰南劍許承楂  
津橋握手匆匆去  
曾否停車玩玉華

遊玉華洞在延平將樂縣十五里

延津神物化為龍  
玉華腹穴羅奇峯  
絲鞭拂暑杉陽路  
名山此日欣遭

欣遭袂捫藤蘿壁猶然  
苦炎熱洞口來仙風  
渾身被冰雪松椀蕪

火鞠躬行滿耳泠泠聞  
水聲神屨與窟開生面  
海上樓臺屢氣厥

山靈盤鬱乳華萃  
髻鬢燃犀見魑魅  
千態萬狀畢肖形  
深黝縈紆



極幽邃忽見羣仙逐隊來拈花端坐一蓮臺低眉隻履西歸客合  
掌躬恭有善財石泉懸瀑布丹臺竄小長莓苔鐘鼓寂不響拂石  
轟輕雷虎欲嘯獅欲吼鳥不飛獸不走旌旄在前戈戟後峭壁迴  
環煥星斗此是仙人舊時藪怪怪奇奇無不有迤行倏至五更天  
半壁溟濛曉色妍恍如霞影海天曙又疑殘月籠寒烟迎眸星點  
長庚見此處獨容天一線迴頭月鏡當空明奕奕清光銀海眩大  
塊文章何陸離神龍矯尾碧雲垂君不見蟠曾邱壑生花管結穴  
波瀾更絕奇

六月十九日雨

霹靂一聲天地裂屏翳驅雲赭凝血紅光燦爛漫長空轟雷殷殷

雷交掣驚楚人一炬咸陽焦又疑頭觸不周天柱折左車飛電  
風揚沙登場婦子呼聲急傾盆驟雨足郊原祝融無權盪炎熱須  
變皓月湧金盤銀河在天星皎潔

哭黃瀆菴

君不見洞庭波木葉脫秋風瑟瑟悲搖落君不見疎疎漸少曉天  
星粉榆耆舊悲凋零淳菴先生吾父執少逐名場事刀筆申韓法  
律五陵喪氣焰薰人炙手執長齋繡佛晚逃禪歸卧林泉結靜緣  
七十七年彈指過鬢鬆雪髻垂兩肩長男天折媳婦死次男遠作  
浮萍子梧桐老矣孫枝枯哀哀聲咽朝飛雉暖足初來執轡人  
也新新翁陳陳須臾大椿摧為薪遊子不歸獨愴情招呼涕吊泪

沾巾

七夕篇

河漢夜昭昭  
雙星光奕奕  
癡情兒女倚  
闌干  
默默無言懷  
七夕女  
勤維織男耕  
田何日償完  
下萬錢黃金  
最是不祥物  
歡喜翻成離  
恨天乘鵝控  
鶴披雲霧弱  
水三千可飛  
渡何須鳥鵲  
填成橋  
秋風  
始展凌波步  
空說雲霞燦  
七襄盈盈一  
水不能抗  
瑤階細雨年  
年  
泪碧海青天  
恨更長  
連理花枝  
比翼鳥並肩  
私語涼蟾皎  
紅筵  
瓜果網蛛絲  
如何反乞天  
孫巧

秋夜感懷

簾幙來商飈  
獨對青燈坐  
窓隙明涼輝  
斜月猶未墮  
美人湘之南

荃蘅遺道左  
鼓柁嗟狂瀾  
孰轉中流柁  
翰墨黃埃飛  
南箕不為簸  
糟粕堆酸陳  
未劫秦坑火  
懷古發幽情  
碧樹烟霞鎖  
我不見古人  
古人不見我  
文章本性情  
頃刻波瀾起  
古人已遙遙  
末學空摹擬  
孔子學周公  
不如新莽似  
漢魏禪讓文  
堯舜幾蒙恥  
善學柳下惠  
無如魯男子

立春

歲暮官齋冷  
天涯客子春  
青衫猶故我  
白髮不饒人  
夜夢家千里  
韻華歲又新  
東郊生意滿  
猶是絆閒身

飲李司馬珠江涉趣園

萍踪偶集倒  
金樽  
黃葉蕭蕭  
畫掩門  
壁剩詩箋  
才子筆  
遼封香草

美人魂夕陽樓閣蓉三醉流水池亭柳半髡指點繁華渾似夢秋風遙認舊苔痕

**夏日遊寶蓋巖依家太牧楚堂韻**

地僻雲深日似年山林文字總因緣泉飛花雨塵襟滌壁剩鴻泥古墨妍歸興勾留僧飯後夢魂猶記佛堂前遙思珠玉臨風去時逐鐘聲落九天

**詩話樓**順治甲子周櫟園先生陞冠推川訪嚴坊故址披荆將殘話一劍孤懸未下城之句

一燈妙悟契滄浪此日登樓引興長甯獨浣花歸杜老也應顧曲有周郎三函清話凝秋水萬疊嵐光倚夕陽鄉思又生雲樹外舊

**遊詩夢憶西堂**

詩學禪琴眾妙門談元林下布衣尊樵川風月層樓聳逋客精神

片土存壁壘氛銷雄使節溪山秋影駐騷魂憑闌不覺歸來晚黃

葉滿暮色昏

**熙春山**羣山拱伏又名嘯天獅子

名山夙擅嘯天雄繞郭峯巒一望中九曲溪流聲曼至六虛亭影

翠涵中禪闕畫靜飛花雨石磴秋明挂斷虹無限鄉心高處集詩

情雲外盼歸鴻

**謁李忠定祠**樵川九曲祠在第四府學官南

惆悵樵川九曲中殘碑摩讀泣孤忠天哀馬角生元弼客到螺江

憶寓公高樹秋聲黃葉落小橋流水夕陽紅廟堂終事和戎策一  
片精誠巨碧空

再登詩話樓

半生握管瓣香深景溯遺徽履再臨搏兔笑曾持布鼓繡鴛何處  
覓金針壁間剩墨留鴻跡樓上秋風作賦心流水高山誰更續蕉  
堂夜雨使星沉

旅夜偶成

燈窓聽夜雨間把此心捫色界天難住風流事尚溫五雲修艷使  
一劍斷情根時有還家夢寒香滯蝶魂

南臺竹枝詞

寄跡榕城滯旅懷秋明閒步到南臺蓬窓少婦齊招手處聞聲

聽泰來閩音泰來猶言這裏來

梨紅燕白譜名花小字香標艷彩霞數語溫存先問訊舊曾相識

是誰家船妓均以花名初見必問問必問曾相識否

裙底曾無月半鉤旗裝蘇髻自溫柔琵琶聲緩西風急一片笙歌

擁上流妓錦鞵羅袜梳空心警作旗下裝兼工琵琶笛

淡掃蛾眉倚畫檣蔭蒼白露水中央棋榔含住櫻桃口吹落西風

紅唾香蓮座蘭缸映月華深深下拜髻鴉斜阿儂綺艷消除否

靜夜禪參茉莉花艸上供奉大士秋夏開以素馨茉莉製曾聞逐

客記重陽九帥神前進壽鷓鴣粧燦袞薰燈焰焰夢中雲雨待襄王

終歲惟重九日不接容是日為九帥菩薩誕辰必沐浴薰香羣集  
神廟祭賽歌籙上壽晚歸各明燈飽服靜候九帥神來擇一牲者  
同宿神像龍面赤鬚手提鐵刺稜碎擗可畏滾滾川流問越交問誰障得海門潮波濤  
急處笙歌緩四萬餘船護石橋南臺即鈎臺越王無諸釣石龍處  
初年某制甚憲檄驅逐潮傾橋石龍跨海修巨計八十二間乾隆  
地修葺費十餘萬金旋示招集

清江渡

遙指清江口秋明眼界舒羣山皆赴海比屋畫為漁潮怒能吞嶼  
波澄可數魚一杭人靜渡雲影碧空虛

白筍嶺

昔年曾到此經過林樹叢陰長薜蘿今日筍輿山下過人家無數  
聚巖阿

迴龍山東望憶雁山

雁湖佳勝甲東甌雨度經過未暢遊今昔同為名利客烟雲遙結  
夢魂秋深憐晴翠迎人至借問山靈笑我不一路林巒看不盡肩  
輿已渡大荆流

題黃岩岳客舍

琴書飄泊路欹斜迴首雲山望眼賒相對孤燈悲獨坐偶沾小病  
即思家屢懷調製君臣藥解語還憐姊妹花夜雨瀟瀟人不寐可  
堪明日又天涯

自石岳至海遊

到海不見海青山合四圍布帆斜映處知是釣魚歸

海遊夜發

溪水遙通海船開黃埠亭危檣扶夜月片席落秋星風捲濤心白  
潮迴嶼影青航工呼日湧殘夢未曾醒

石浦旅夕

秋明石浦聚人烟坐倚危欄獨悄然燈焰紅樓江月淡帆齊畫鷁  
海雲連林脚關徑山成市夜半敲鑼客進船島嶼滢洄青萬點盈

盈一水隔南田

辛未中秋

巖桂香時客象山江城詩酒興闌珊偶遊西寺逢僧話深策南田  
扣吏闕海上輝揚秋思遠市中喧覺旅身閒燈花應試金錢卜月

已圓時人未還

象山旅次

林飛黃葉桂花殘小雨催秋起嫩寒臥室無門眠不熟山行見嶺  
脚先酸千尋峭壁留雲住萬里長空任雁搏遙識碧窻人夜坐西

風應念客衣單

寧城燈詞

天街月滿菊花時火樹騰輝吐艷枝裙屐不嫌風露冷夜深羣集  
督公祠菊淡蘭清粉黛妍紅婦女粧不品題佳處聽珠圓今宵燈是

誰家好學士書船載酒船

南田

臥室一本作旅宿

江上秋風冷白蘋扁舟香泊蓼花新  
夢非蕉廡宜乘興我是漁郎  
欲問津荒島有天開別面青山無主笑聞人  
經營蕪瘠成膏沃莫  
向波流嘆苦辛



又南田第七十福地事林廣記以為東仙原

雲開海國水澄鮮島嶼縈紆翠影連  
土壤肥磽澆茂草民居踈落  
點秋烟問名儼是三山列封禁將垂四百年窮髮板輿歸化宇  
聖朝何事棄南田



紀南田逸事

汗青千古留輝麗誌乘之書刪不記雖曰尊  
王合體裁何不  
於封祀微言闡忠義我聞張蒼水明末起義兵戈旄一揮指下七

十餘城詹水字元著名煌帝心簡在人歸命智勇由來

難角勝旌旗退駐南山烟樹雲濤帶餘恨孤軍莫抵大江流械

繫錢塘作虜囚天子保仁不肯殺嘉憐傑士欲封侯劍戟凝

霜白品服飛仙鶴臚列任君圖去取須詳度義僕大呼死死靈

猿拂血苔痕張詹水敗屯南田有白猿守金漆門報警征帆遠

撞死義僕楊冠王高崇同氣數釀成忠義魂谷後詹水就俘猿即

日正命詔猿僕配享氣數釀成忠義魂天書炳勅春秋

祀臨墟憑吊秋已深紛紛黃葉飄楓林盈眸一派青青草盟結歲

寒蒼動心山有草如松如竹如柏



靈橋

巧越杠梁外長虹上浮石橋睽鐵鎖松板碇漁舟舸艦東南集汲

濤日夜流何須歌利涉穩步自夷猶

**落花**

啼鳥聲聲不忍聽香殘紅雨撲疎櫺雙、蝴蝶東風裏應悔繁華

夢易醒

**對友夜坐**

茅屋寒檠寂促膝坐忘形君心與燈靜我眼對燈青噤斷各無語

一室光熒熒忽聞秋風起我曰君且聽貧賤自身逆蕭蕭落黃葉

明月在疎櫺

分題咏菊四首

東籬花似武陵春艷拂秋容別有神寄語漁郎曾識否些桑原是

英雄夢未醒

避秦人武陵春采采東籬把已盈雙飛香態不勝情趙家姊妹應

相妒舞落秋風掌上輕双飛燕寒花傳粉似何郎自是寧馨小樣

粧五柳歸來樽有酒相携入室醉清香粉孩兒解組淵明懶折腰

毳衣間挂任風飄而今顏色添新樣月影霜痕憶早朝舊朝衣

**晚歸**

飛雪初開霽歸帆自上流春風來野陌落日在簾鈞課讀携兜問

銷寒向婦謀銀缸光淡淡詩酒興添幽

**種樹**

買得松杉樹西坡隴上栽滋根思雨露築土破蒿萊異日留清樾

何時覆綠苔願邀天地澤成此棟梁材



西坡雜感

為訪雲窩步綠莎  
榮枯歷指幾人家  
殘碑隱隱迷芳藿  
啼鳥聲聲問落花  
杜甫有山埋白骨  
景純何地駐丹霞  
蓬蒿滿目堆黃土  
惆悵東風日已斜

吊李昭信伯長庚

浙闕波流帶吳越  
水賊氛烟肆猖蹶  
商艘漁艇遭橫災  
官軍沿江哨不發  
將軍奉詔佩劍鳴  
欲挽天河洗甲兵  
怒目視賊賊驚竄  
破浪吞萬里平征  
袍血濺鯨風掃公  
麼抱首依窮島  
屏障東南壁  
天霜鬚人歎將軍  
老不靖妖氛誓不  
回將軍叱咤驚風  
雷烽火橫江陣  
霜雲黑嗚呼礮石  
飛殘灰將星夜落  
大如斗英雄功業  
歸

烏有廳  
寒風旌旆懸滄溟  
月冷長鯨吼

流螢詞

點點流螢映小樓  
光分銀燭書屏秋  
好風吹送池塘裏  
照見蓮花夜並明  
碧空秋靜影涵虛  
莫笑微生自腐餘  
記得檀郎勤夜讀

紗囊曾照五車書

草茅家塾落成

構屋疏園隙編蓬  
愜素衷經營成小築  
滋養藉春風  
課讀必何切  
謀生計未工  
蹉跎嗟歲月  
勉語兒童

唐午元日立春雪  
寄懷吳漸鴻表弟

歲朝瑞靄六花勻  
一片寒光清照人  
海國紅雲扶曉日  
南邦白雪

占陽春四千客路貂裘薄九十韶華物候新自是皇都先得暖東風應到鳳池濱

不寐

盆翻書案潛行鼠又聞四壁蛩聲語被擁輕寒睡不成低聲喚醒齡雖女小女含糊謝阿爺綠窓繡倦幸毋譁餘未解詩腸渴竹爐宿火待烹茶余曰汝亦耽詩久憂玉鏗金能記否唐賢佳句且吟之消愁絕勝尊壘酒嬌癡不解意如何竟誦香山長恨歌天上人間永離別春冰枕畔泪痕多

夜夢

斗室寒銷寶篆薰倦歌孤枕卧氤氳喃喃絮聽春鶯語款款平拖

舊蝶裙海上梨花輕帶雨帷中燈影不為雲夢回摩擬依稀似啼鳥撩人曙色分

春齋漫興

碧滿書窓鎖翠烟韶光猶復似丁年梅花已避新桃李白雪曾翻舊管絃長日半消鶯獨坐春風又逐柳三眠南華齊物能參得不讀騷人天問篇

課子吟

免毋嬉老大窮經悔已遲免且讀童稚之年書易熟情實開時心已分妻嗔子泣那堪聞而翁已是過來者摩頂歎嗟對汝云勿謂汝今年尚少李泌十齡已應召勿恃夏日如年長白駒過隙無留

曜一日格一理計月不滿百一日積一篇終歲不盈尺聖如大禹  
惜寸陰韶華轉瞬今成昔汝不見春風白玉堂翩翩年少皆文章  
胸挾經綸事天子仙風唾落珠璣香

十柳吟

春愁深鎖黛痕添樣比初三月更織曉拂紅樓香篆暖有人臨鏡  
關雙尖柳眉隋宮漢苑眼曾經幾閱興亡倦不醒乍起三眠春老  
矣淵明去後為誰青柳眼綠縵池波恨曉風柳條又繫別離衷六  
橋絃管春如海翠浪層層映碧空柳浪長隄垂柳綠雲稠匝地濃  
陰翠欲流影壓春波渾一色漁翁時泊小紅舟柳陰纖乙瘦似女  
免腰搖曳多姿翠影翹幾度欲眠風倩舞輕盈不數小蠻嬌柳腰

淡碧輕黃小穗垂兒童戲捉唱春嬉有時細逐桃花落又拂清香  
入硯池柳花飛雪漫空點點輕謝家庭院不勝情離魂原是春

夢化作浮萍又一生柳絮惆悵春風楊柳枝和烟斜拂一絲絲垂

堤一任鶯梭織不為行人綰別離柳絲彭澤歸來懶折腰垂門帶

飄影又飄飄風流寧讓靈和殿猶伴懸魚共早朝柳帶半生癡夢

共春殘柳下行吟幾笑看濃翠侵衣如欲染從來未聽指聲彈柳

計

浩然樓

江心峙危樓懸書曰浩然文山之正氣萬古凌蒼烟命名蓋以此  
豈為襄陽子吐哉採風人不學何乃爾濡毫更孟樓題字驚東甌

掩沒黃冠跡  
江湖咽怒流

答鄉里問秦寧

山高行路險  
縣僻作官貧  
衣拂征塵色  
談傾故里人  
鳥名莫讀史  
樹有不知春  
更喜民風撲  
烹葵宴上賓

七夕

長空秋色迥  
涼月一鉤懸  
鵲渡傳今夕  
鰥居已五年  
女免情脉脉  
河漢影涓涓  
徒有乘槎意  
凭闌夜未眠

雪夜

大雪飛鷺毛  
獨擁寒衾冷  
吐風聲颼  
窓外梅花影  
銀缸半暗明  
靜數更籌永  
美人杳素書  
雲水情千頃  
光陰似隙駒  
世路悲萍梗

伏枕聽鷄鳴  
有夢誰同警

遊仙

雲雨巫山十二峯  
襄王夢裡幾曾逢  
玉皇乍勒青虹劍  
剖出文人磊塊胸  
山河鑑影本情虛  
縱聽霓裳亦幻餘  
洗髓伐毛歸樸素  
石函無字識奇書  
終南蒼鬱此中佳  
留作凡庸捷仕階  
臣朔讀書能致用  
敢矜山水樂沉埋  
梨花春暖醉江南  
海國風光競蝶夢  
酣猶覺五銖無  
着處園翁多事育  
冰蠶碧空秋冷下  
雲駢變幻陰陽語  
不經自是花妖工  
蠱惑莫嗤贈枕玷  
雙星笑指滄桑變  
幾回何勞海外訪  
蓬萊詩書浩劫咸  
陽火誰為君王嘆  
酒來鷄犬桑麻俗  
羨淳仙源即是避  
秦人君王欲覓長  
生藥洞口桃花萬



宿靈鷲寺用家摩詰山居秋暝韵

紅葉山村晚白雲古寺秋一峯迎皎月雙石鎖寒流世事渾如奕  
禪床穩似舟塵踪如許寄清夢且先留

擬容湖別曲

驪唱于々不忍聽多情柳色向人青妾心爭似桃花水願逐君舟  
到洞庭

宿吳氏別業有感

翰墨識芳踪門牆舊景從花香清夢覺樹影碧雲重夜月思前度  
春風不再逢西河今謝矣詩學竟誰宗

同朱墨卿題背而美人圖戲作問答語

相思幾度問輕紈欲使回頭想亦難却憶當年吳市裡桃花人面  
許人看一面目廬山自有真空中幻影色中身阿儂未肯輕回首  
復恐傾城誤後人

題友人扇頭秋聲圖

樹木蕭疎月影清風號蛩語聽分明偏從童子難尋處繪出悲秋  
一段情一小齋落葉響西風情况秋來迥不同最是此聲聽不得

却教收拾片中

春草

惆悵江南長短亭淡烟微雨正冥冥西堂夢覺詩情遠古城春歸  
戰血清六代繁華生處没王孫消息靜中聽兜家門戶從今好兩

却蛙聲月一庭

睡起

竹搖疎影吹驚危捲半風簾倚碧窓滿眼綠陰清畫永紫荊花下

雙雙

竹夫人次舅氏立凡韵二首

不解卿一笑語親清疎祇許伴閒身午窓風透羲皇枕莫誤高唐

入夢人勁節玲瓏體自殊不隨紅袖競歡娛伴他團扇同銷

夏到得秋來怨也無

村晚

野色晚逾妍長虹影碧川日啣山靄紫雨點水紋圓亭亭山花相

護籬疎筍暗穿村村秋意好誰領暮涼天

塵襟何自滌村晚愜幽衷驟雨一溪水夕陽兩岸楓雁歸蘆諸

魚烟稻花風寄語諸鄰伴書耕歲亦豐

立夏日得柳起三眠綠花開一丈紅之句因續成之

昨日饒春風詩牋草未終今朝纔入夏景物更冲融柳起三眠綠

花開一丈紅偶然新得句珍重付奚童

春齋有約夜坐無聊偶動吟懷愛編題目漫云刻鵠之能實

作拋砥之技敢邀江管共付奚筒

秋針

膏融佳種綠盈盈南畝烟深一望平齊敷水紋春雨足斜穿柳線

曉風清芳，隱隱徐添繡翠，穎纖纖暗度。卯後日吹香，珍玉粒歌  
磨鉄杵報秋成。秧鉞

提柳春深，展嫩條風，敬帶影翠。翹鶯梭織錦，連絲捲燕，剪鏤花

和絮飄。贈縞灞頭，添別緒。書思漢殿，紀垂腰柴桑，歸去情留玉還

憶懸魚認早朝。柳帶

笑拈纖芥戲庭中，穩似輕舟泛泛。同偶泉觸塵驚，覆浪但教噓氣

即乘風飄流滿納須彌界，鬢髻遙分太乙。紅螳視應猜萍一葉，切

堂杯水海天空芥舟

芭蕉舒捲掩柴閨，扇影搖々俗慮刪。暑退綠天風瑟瑟，涼生羅月

碧閒々霜飄落葉秋。宮怨雨隔疎窻，客夢還卧雪衾安。添畫本揚

仁猶記謝東山。蕉扇

化工陶鑄紀高榆，小萼輕圓落五銖。隔野飛錢穿細雨，因時鑽火

出洪爐。楊花爭舞漫天雪，蝶影分翻買酒鑪。歷歷銀河春兩岸，不

知耐可解天逋。榆錢

池塘蒲草映清波，三尺青青擬太阿。阿近拂芹泥同切玉，偶聞漁唱

似彈歌。薰風倩舞晴烟繞，秋水涵神夜月過。采采不緣饒殺氣，懸

門雅愛細香多。蒲劍

苞含蕊蕙韞清芳，映水垂々一鏡香。霞綺朝烘披錦繡，神針夜度

宿鴛鴦。涉江人去疑留佩，解語花嬌靜括囊。試問詩成能貯否，寄

懷初日賦新章。荷囊

書以時四



欲采菱花盪畫船  
波心潋漾碧光妍  
渾涵芳潤迎初日  
是時歌  
藹暮天漁婦粧成還自愛  
漁游魚衝破又重圓  
奩開半畝池塘小  
鑑影融分月印川菱鏡

答客問雁蕩四十韻

有客談名勝揮毫述舊遊  
相逢君土上閒話古東甌  
說圖難狀嶙峋記不周  
村從花徑入山以鳥名求谷  
劃東西美泉探內外幽  
詎那曾闢此靈運未經搜  
地軸連台栝星纏記女牛  
蓬瀛差足擬岱華或能侔  
約畧慚窺豹依稀識某邱  
老僧來竺國快剪出州羅  
漢披袈靜觀音挽髻稠  
青蓮開石洞玉女下神州  
叟似聽詩空並臨卓筆道度仙橋影迥  
凹月鏡光瀏梯躡瞻黃榜雲開綴翠梳霞

屏丹篆隱鐵障黛螺浮  
峽壁寫分蒼天傾柱獨留芙蓉看  
面面菩薩隆悟頭頭童子了  
曾角將軍貯運籌有峯皆峭拔  
無水不懸流雁宿崖巔蕩龍飛  
絕壁湫珠簾風捲至梅雨暑如  
秋照瞻光寒日連環派瀉勾游  
絲輝一線合掌注雙杯雪屋蒲團  
冷曩庵薜荔轉蜿蜒鼈首戴翠  
律鬼斤鏤竚窳非人境繁滋沐  
帝庥林坳紅躑躅澗底響鈞轡  
芝草三經秀莖蒲九節柔溪魚香  
記尺嶺樹碧蟠虬沙猶鑿蚪蚪  
良材裕檟楸黃柑霜後熟紫茗  
火前抽鹿卧松成幄鼈穿粟墮  
毬舞翻金雀尾歌潤樂官喉  
檜老閒巢鶴藤蒼倒挂猴大觀  
嘘幻蜃小憇等輕鷗殘碣苔痕  
蝕奚囊錦句收三千雄佛宇百  
百現瓊樓但覺神欣往毋嗟路  
阻修何時携蠟屐偕我壽吟眸  
四

十九盤上狂歌傲五侯

**聽詩叟**一名聽泉石在響岩門東北高丈餘清癯特立側首倚岩巔恍佛老翁傾聽狀

我發狂吟石解聽鉢聲敲徹洞雲青黃河佳句雙鬟唱花落池亭

翠靄局

**伉月凹**靈岩東一石仰卧山脊中凹形似朝天迴夜月初生如寶鏡懸玉臺上

雁湖夜氣更幽閒崖石中凹碧一灣此處最宜懸玉鏡少焉明月

上東山

**龍鼻水**在東谷靈岩寺丈石龕內蜿蜒數十丈鱗爪飛動石色紺紫鼻端有小孔泉水下滴

峭壁龍垂滴滴泉名山宜佛亦宜仙木樨居士聞香舌與爾同春

鼻觀禪

**仙人橋**橫亘屏霞障外左右吹簫峯為王喬遺跡

丹霞屏外石橫橋虹影凌空一遙望昔有仙人王子晋月明跨鶴

夜吹簫

**小童巖**老僧岩偃僕東向一小僧隨行若附耳談經高三十餘丈名小童

翠壁嶙峋立老僧小童附耳聽談經苔痕斑碧春風暖新刺彌沙

頂尚青

**來斯灘**昔有神人驅石之海祝曰蒼蒼為牛鑿鑿為羊牛羊

姨問之曰見吾羊否曰奔石也羊吾不知又問見吾牛否曰奔石也牛吾不知神人曰惜為汝道破忽不見惟羣石

存焉後人因名來斯

羣石磷々水一方斜陽影裏下牛羊麻姑別後滄桑改猶記塗華

舊道場

捲圖峯

在雙鸞峯西崖壁鑿天開  
圖畫四字為朱晦翁筆

雁峯百二翠凌空幅幅丹青稿不同玉女雙鸞看未了天開圖畫

捲春風

將軍石

過四十九盤嶺上有將  
軍石如將軍戎裝掛劍

李廣為將軍神技驚飲羽此石施戎裝視虎應如鼠

卓筆峯

天柱峯後有小  
峯插天曰卓筆

雁山峯縹緲卓筆雲煙繞拔地掃長空如椽何太小

新月天

鐵城障中一線天  
也即初月谷別名

鐵壁峭千尋天光懸一線眉樣月初三鬢髮簾前見

看不足亭

在觀瀑亭上取昔人岩前有句  
白頭翁自道一生看不足之句

學方知不足閑戶坐春風解識看山趣支節興亦同

午夢十二韻

半榻春風午夢賒綠楊紅杏是誰家樓臺掩映穿雙燕庭榭玲瓏

噪乳鴉流水小橋通石徑拂雲高樹鎖晴霞叢排甲乙堆黃卷佩

響丁冬隔絳紗腕底鴛鴦慵刺繡簾前鸚鵡喚烹茶麝蘭香拂琴

聲細銀燭光輝笑語謹飄蓬且賦東南雀詠絮驚憐姊妹花縹緲

忽橫山一角徘徊猶記路三义却那雪滿仙人枕霄漢星占織女

槎紅粉零還飛蛺蝶青衫濕豈怨琵琶桃源已許漁郎到起坐無

言夕照斜

題徐堯階叙樂圖小照

人生有至樂至樂在性天何須拾金紫偶爾忘蹄筌浮雲輕富貴  
詩酒乃神仙吟詩與飲酒適意且鳴絃諸郎何翩翩玉樹臨風前  
一彈還再鼓滿室秋光妍翳昔李青蓮桃李開芳筵暢叙天倫樂  
羣季皆惠連堯階傲其意寫此叙樂篇春花與秋月古今遙峙焉  
丹桂發秋馥梧桐凝翠烟庭院涼颼生長空流素澹階砌叢蘭蓀  
韶韶皆妙年彈琴盼飛鴻指下奔湍泉玉宇澄秋懷傾耳已陶然  
持杯問明月今夕何娟娟游心天地外時復撫吟髯憶昔風雨夜  
茗戰開棋奩勝負都可喜落子燈花鮮披圖如晤對天籟寄詩禪  
太和門以內佳趣契元元

壬辰長至後五日家暢齋踏雪過訪袖携白雪歌徵和依韻  
答之

彤雲連日釀成雪斗室光寒清皎潔驩驩曲後復何如蕭疏猶剩  
相如壁我家鶴鬣興何濃醉後狂歌戰玉龍堪羨不曾持寸鐵筆  
尖飛白掃長空獨有袁安卧不起如珠可奈長安米屋角芭蕉繪  
作圖梅花明月皆知已伏櫪長鳴已白頭征途楊柳念交遊閩南  
羽檄星馳至時台灣陳平李愬何時下蔡州

壽吳鳳韶表第三十

男免丁壯歲宜著祖生鞭記爾懸弧日為余入泮年自憐髮種種  
遙羨腹便便鵬翮秋風健應知得路先

秋夜聞蟬寄趙粹夫

嫩涼微拂暑初收皎潔星河色幽偶爾聞聲誰遣此悲哉為氣已

驚秋籟旌撲撲人千里楊柳疎疎月一樓曾記杉陽琴署裡吟風

吸露話明流

七月十四日作

瀟灑霜鬢又秋風回首家園事亦空人近中元皆說鬼年過半百

已成翁墨光頗識西來意劍氣遙看垞中荒野亂螿飛不定孟

蘭法鼓聽逢逢

病中黃鑕園過訪

搖曳秋懷樹風涼生卧榻一燈紅小人近市貧非病良友登堂

酒不空感福全憑阿堵物男兒豈作可憐虫黃金散盡身猶在斫

地悲歌劍氣冲

春暮感懷  
卜居蓮水曲風月許人間啼鳥春將盡吟詩興不刪草深徐子巷

花落郭公山粉社雲橫住徘徊夕照間

清明遣藥免省墓

坵壠依然天一涯春霜誌感紀年華青莎掩苒東甌路香綺迴環

上已花簫鼓樓船人祭掃雲山寒食客思家鄉閑事業空流水交

飯芹羹寄恨賒

壬辰中秋同李茂材西垣作

擬向嫦娥問宿因，蕭騷風雨掩冰輪。綺羅寂寞虛良夜，書劍飄零

老此身。話到滄桑增舊感。浙東沿海一帶詩傳湖海想佳人

同讀湖海詩傳天涯亦有豪情客，絃管聲催酒幾巡。

○水嘉試童子軍，邑侯以秋蟬秋蛩秋蝶秋螢限賦七律時佳

作甚夥，余不覺技癢幾忘為東施之顰也。醜墨賦此。

蟬語聲聲噪夕曛，悲秋人更不堪聞。風嘶桐院飄黃葉，露灑松枝

咽白雲。齊女新霜留鬢影，漢廷舊翅剩羅紋。明河皓月涼如水，不

耐淒清夜欲分。秋蟬

忽聞繁響沸黃昏，落葉蕭蕭已靜掩。門滿砧音秋有跡，一簾霜氣

月留痕。空堂太息騷人賦，古驛淒涼旅客魂。促織寒衣驚懶婦，聲

和砧杵匝江村。秋螢

癡抱幽芳老此身，涼天風月更雙清。繁華已醒三春夢，飄泊偏深

一往情。香散碧雲衰影亂，艷翻紅葉舞衣輕。寒枝枯木蕭疏意，又

向滕王筆下生。秋蝶

點點流螢拂野塘，西風零落月如霜。荒郊霜冷疑燐火，團扇羅輕

撲晚涼。隋苑感懷人已杳，車囊照字夜初長。柴門靜掩瀟湘竹，寒

影依稀映翠光。秋螢

題畫二首

臣朔讀書人，譎諫融經史。無如漢武好神仙，世上神仙皆妄耳。集

靈前殿阿母降，三次偷桃指此子。竊食蓬萊不死丹，陛下殺臣臣

不死東方朔

臣劉海蟾赤足蓬巔呵呵大笑手中有錢莫怪古來名利客飄零

末路學神仙劉海蟾

**偶成**

男兒不願身作後凋松忠肝義胆稱英雄但願詩酒醉卧登春臺  
明良喜起頌康哉黼黻太平時庸庸似無奇錢穀與兵刑問之而  
不知小事或糊塗所能非百里調鼎燮陰陽如斯而已矣鳳皇苞  
采歌來儀以之司晨不如雞麒麟仁瑞遊郊藪使其守夜不如狗

**讀天台圖誌夢遊**

天台甌接壤咫尺地相連未展登臨屐空參夢幻禪神仙多艷福

山水有因緣何日石梁上來看瀑布懸

**客氏拜**

奉聖夫人帖也字大如椀筆法道勁劉公馥尚書喬慕韓  
學士均於都肆中購得之賦客氏拜云

客氏拜誰邀青眼拖眉翠天子為兒勢燭薰此刺想投九千歲

客氏拜呵殿而來謁所愛老祖太太同至尊大字如斗凌公卿

孫湖山房詩集序

南越舊都東甌古國星分牛女城枕海山水土厚而清淑鍾都會  
雄而英豪聚峯連碧落吹臺華蓋之奇學衍真傳正則止齋之派  
由來騷客半出文人况乎賦性魁奇寄情綿邈鄙登場之傀儡笑  
中路之擲揄薄帖括而不為耽嘯歌而自適游心八垠之外放懷  
千古以前尤能滌塵襟滄俗腑甄陶品彙抒寫性靈運模範於無  
形抗古今而獨是者乎平陽旭江玉君系出烏衣姿誇犀角性耽  
墳籍雅嗜綈紉勤考覈於五車兼貫通於百氏既游泮序遂屏丹  
鉛馬欲騰空豈受羈於槽櫪雲方出岫將獨任其盤桓瀟洒出塵  
風流自賞符仁知於山水寄矜尚於匏絃時開坵海之樽不斷東



山之屐指困助李麥踐一諾於久要裘敝囊空散千金而不惜書癡  
無恙詩窮益士工適以盧李之親素訂阮潘之好分符闕右綰綬  
杉陽遂乃道榕城浮螺渚沿劍浦沂樵川登詩話之樓辦香遠續  
游玉華之洞仙跡窮探藉廣見聞亦資吟咏然而驚灘急瀨何如  
大小龍湫凹岫凸峯那比北南雁蕩游山有作梓里居多雲曲草  
吟摩挲謝公之詠丹霞白鶴依稀逋客之踪屢樓幻而春草深舞  
鳳高而玉蕭遠危峯卓筆新月窺天附耳有童聽泉者叟且也讀  
史而樽浮太白懷人則月照屋梁描姍姍於春梯寫纏綿於秋語  
撫今吊古南田紀事之章觸景興懷西坡落花之句抒其綺思盡  
入錦囊五言樹骨於高岑七字取裁於韋柳短句則青蓮比格長

篇則白傳希蹤卓爾名家哀然成集山房為嘯吟之地孫湖實游  
釣之鄉取以茗篇梓之問世更有敲音吟稿餘錄剩談尚待刊行  
還希惠示茲則未窺全豹先見一斑猥以令嗣之郵書屬綴蕪詞  
於簡首自笑拈毫秃管漫題繡虎雕龍此時高嶺梅開寄一枝於  
芙蓉驛畔何日飛雲渡去訪詩人於風月樓前  
道光丙申小春上澣當湖愚弟陸嗣淵拜手

續一訂年王景  
印書中不知何名  
易先保月

中秋後三日過鄭豹君齋中見紅梅盛開適為長郎納聘之  
吉洵奇瑞也擬三章以賀  
王 晟 曉樓

是誰羯鼓到羅浮催取寒花競素秋不待冰霜先  
自含羞艷誇東閣無雙品春占南枝第一籌如此奇觀真絕世為  
添佳興庾公樓一

脫得<sup>將</sup>縞袂換霞裳未與姮娥點額妝月下絳仙原耐冷花邊紅友  
喜迎涼暗香濃染枚乘筆踈影嬌歌宋玉牆同調恰宜丹桂樹軼  
羣猶稱綠衣郎二

天地何心別致饒春秋佳景忽連朝穠露珠露迷崔護艷拂金風  
賺午橋為報百年琴瑟好故遲三月廣寒遙定知此是鴛鴦種待

醉

作秦樓花助嬌三

愛鶴

王景

曾覘斯世少知音兀坐閒亭對月斟薄醉與梅同好夢高吟有鶴  
和清音一

愛鶯

久與頭陀寓化機興來落筆不停揮擲還秃兔黃庭罷換得新鶯  
白雪歸二

愛蓮

閒來扶杖綠陰中幾度盤桓百尺桐雅量不刪庭草綠高懷猶渚  
蓮紅三

愛菊

半生宦海老年華坐對南山興不賒賴有白衣能送酒恰當黃菊  
正開花四

溫州府 印 文 館